



## CONSELLERÍA DE MEDIO AMBIENTE

Xurado Provincial de Montes Veciñais en Man Común

Edificio Administrativo de Servicios Múltiples

Praza Luís Seoane - 15008 A CORUÑA - Telf.: 981 18 59 02 - 981 18 59 03

Resolución de 29 de maio de 2002, do Xurado Provincial de Montes Veciñais en Man Común da Coruña pola que se resolve o expediente nº 373 que afecta ó monte "Tras das Penas", dos lugares de Cabo da Aldea, Espiñeira, Casacamiño, e Foxo, parroquia de Cambás, concello de Aranga:

"Reunido o 29 de maio de 2002 o Xurado Provincial de Montes Veciñais en Man Común da Coruña, baixo a presidencia do delegado provincial da Consellería de Medio Ambiente, D. Higinio J. Sánchez-Rodilla Fuentes, coa asistencia dos vocais, Josefa Fernández Fernández, xefa do Servicio de Montes e I.F., Alfonso Vázquez Castro-Garma, letrado do Gabinete Xurídico Territorial da Xunta de Galicia, Juan Ramón Beneyto Bellas, representante do Colexio de Avogados da Coruña, José Manuel Caramés Franco, representante das comunidades veciñais de Montes en Man Común, e da secretaria Ana María Díaz López, xefa do Servicio Xurídico da Delegación de Medio Ambiente da Coruña, para estudar e resolve-lo

Expediente: 373  
Monte: Tras das Penas  
Comunidade: Cabo da Aldea, Espiñeira, Casacamiño e Foxo  
Parroquia: Cambás  
Concello: Aranga

### ANTECEDENTES DE FEITO:

1º. Os veciños dos lugares de Cabo da Aldea, Espiñeira, Casacamiño e Foxo, na parroquia de Cambás, concello de Aranga, solicitaron deste Xurado, con data 09.05.2001, a declaración como veciñal dos expresados lugares, do monte arriba citado e que ten as seguintes características:

Superficie: 9,11 Ha.  
Lindeiros

NORTE: Veciños de Cambás. SUR: Veciños de Cambás. LESTE: Veciños de Cambás. OESTE: Monte Raño, da parroquia de Verines, concello de Irixoa.

20. A vista de tal solicitude, o Xurado, na súa reunión do 12.07.2001, acordou inicia-lo oportuno expediente, nomeándose como Instructor del a Alfonso Vázquez-Castro Garma, quen aceptou expresamente o dito cargo. Procedeuse á correspondente tramitación, librándose mandamento para a anotación preventiva no Rexistro da Propiedade de Betanzos, oídas tódalas persoas, organismos e corporacións interesadas, expedíndose mandamientos a tal fin dirixidos ó alcalde-presidente do concello de Aranga, ó xefe do Servicio de Montes e I.F. e publicándose edictos no D.O.G. (nº 232 de 30.11.2001), taboleiro de anuncios do concello e lugares de costume.

30. Os veciños de Cabo da Aldea, Espiñeira, Casacamiño e Foxo fundamentan a súa petición ante o Xurado Provincial de Montes Veciñais en Man Común en que desde sempre viñeron poseíndo e aproveitando en man común o monte Tras das Penas. Aportan copia da resolución do deslindamento do monte público "Raño", da parroquia de Verines, concello de Irixoa, onde se describe a colindancia co monte aberto de tales lugares.

40. Publicados os edictos, e transcurrido o prazo para posibles reclamacións, non houbo presentada alegación algunha contra o presente expediente.

50. Na tramitación destas actuacións cumpríronse as formalidades legais e regulamentarias, esixidas principalmente pola Lei 13/89, do 10 de outubro, de montes veciñais en man común, e o seu Regulamento de aplicación aprobado polo Decreto 260/92, do 4 de setembro, ambos da Comunidade Autónoma de Galicia, Lei de procedemento administrativo e demais disposicións aplicables ó caso.

#### FUNDAMENTOS DE DEREITO:

10. O Xurado Provincial de Montes Veciñais en Man Común da Coruña ten xurisdicción e competencia para coñecer deste expediente en virtude do disposto nos artigos 9 e 10 da Lei 13/89, do 10 de outubro, de montes veciñais en man común.

20. De conformidade co contido do artigo 11 da citada Lei e 19 do Regulamento, aprobado polo Decreto 260/92, do 4 de setembro, os veciños dos lugares de Cabo da Aldea, Espiñeira, Casacamiño e Foxo son parte lexítima para solicita-la iniciación do presente expediente de calificación.

## CONSELLERÍA DE MEDIO AMBIENTE

Xurado Provincial de Montes Veciñais en Man Común

Edificio Administrativo de Servicios Múltiples

Praza Luís Seoane - 15008 A CORUÑA - Telf.: 981 18 59 02 - 981 18 59 03

30. Para a súa calificación como veciñal en man común, o monte debe reuni-las seguintes características: 1) Pertenza a agrupacións de veciños na súa calidade de grupos sociais, non como entidades administrativas; 2) Se aproveite consuetudinariamente en réxime de comunidade, sen asignación de cotas polos membros de cada agrupación na súa condición de veciños comuneiros; 3) Que os veciños comuneiros residan habitualmente con casa aberta dentro da área xeográfica sobre a que se asenta o grupo social que tradicionalmente aproveitou o monte (artigos 1, 2 e 3 da Lei 13/89 e 1, 2 e 3 do Regulamento do 4 de setembro de 1992).


40. Das actuacións obrantes no expediente, e en especial da comprobación do expresado no punto anterior, dedúcese que no presente caso nos encontramos cun monte pertencente á Comunidade Veciñal dos lugares de Cabo da Aldea, Espiñeira, Casacamión e Foxo, no que se cumpren os aludidos requisitos.

Por iso, éste Xurado, á vista dos antecedentes e fundamentos de dereito expostos, por proposta do Instructor,

ACORDA calificar como veciñal en man común o monte Tras das Penas, de pertenza dos lugares de Cabo da Aldea, Espiñeira, Casacamión e Foxo, parroquia de Cambás, concello de Aranga. Asimesmo, acordase excluí-lo declarado do Inventario de Bens do Concello e do Catálogo dos de Utilidade Pública, se neles estivera inscrito, incluíndolo no Rexistro de Montes Veciñais en Man Común que figura na Delegación de Medio Ambiente da Coruña".

A Coruña, 12 de xuño de 2002

Vº e Pr.  
O PRESIDENTE DO XURADO,





Asdo. Higinio J. Sánchez-Rodilla Fuentes

A SECRETARIA DO XURADO,



Asdo. Ana María Díaz López





|                                                                                |              |  |                    |
|--------------------------------------------------------------------------------|--------------|--|--------------------|
| <b>XUNTA</b><br>DE GALICIA<br><small>DELEGACIÓN PROVINCIAL DE A CORUÑA</small> | MONTE:       |  | C.U.P. 349         |
|                                                                                | T. MUNICIPAL |  | ESCALA<br>1:10.000 |
| SERVICIO PROVINCIAL<br>DE MONTES<br>E INDUSTRIAS FORESTALES                    |              |  |                    |

Armando Nogueira Naveira  
INGENIERO TÉCNICO AGRICOLA  
Nº COLEGIADO 1048  
BETANZOS